

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Breviarium Einsidlense - Cod. Ettenheim-Münster 38

[S.l.], 1788

Die 5. Octobris. SS. Placidi, et sociorum eius Mm. II. classis. Oratio

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

ii2.

in laboribus suis. & Custodivit eum ab inimicis, et à seductoribus tutavit illum. *

Honestavit. & Gloria. * Honestavit.

In III. Noct:

Antiph. Sint lumbi vestri præcincti, et lucernæ ardentes in manibus vestris.

Cantic: Beatus vir, qui in sapientia morabitur: *

Homilia in Evangelium Homo peregrè proficiscens. Missæ Statuit.

Die 5. Octobris.

SS. Placidi, et Sociorum
eius Mm. II. Classis.

Omnia de Communi plurimorum Martyrū, præter seq:

Oratio.

Deus, qui beatum Placidum in aquis penè demersum mirabiliter eripuisti, ut fidem

inde, quam cum pluribus Sociis coram persecutoribus confessus est, proprio sanguine confirmaret: ipsorum nobis intercessione concede; ut animas nostras propter te perdere non timentes, eas apud te feliciter invenire mereamur. Per Dominum.

In I. Nocturno

Lectioes. Fratres debitores. de Communi.

In II. Nocturno.

Lectio V.

Placidus Romanus Tertullo Patre ex nobilissima Aniciorum Familia natus, puer Deo oblatus, et Sancto Benedicto traditus, tantum morum integritate, et monasticæ vitæ institutis profecit, ut inter præcipuos eius discipulos numeraretur. In solitudine Sublacensi eidem divo Benedicto

fontem divinitus impetranti adfuit. Adolescentulus ad hauriendam aquam egressus, et in lacum prolapsus, eiusdem Sancti Patris imperio per Maurum Monachū super aquas sicco pede currentem salvus mirabiliter extractus fuit. In Cassinū montem cum illo deinde veniens, annum agens alterum et vigesimum mittitur in Siciliam, ut bona, et possessiones, quas Pater ipsius Monasterio Cassinensi donaverat, ab improba quorundam cupiditate defenderet. Quo in itinere cum plurima, maximeque miracula fecisset, sanctitatis fama percelebris Messanam venit: constructoque non longè à portu in paterna possessione Coenobio, Monachis triginta congregatis, Monasticam disciplinam primus ea in Insula

propagavit. *R.* Sancti tui Domine mirabile consecuti sunt iter, servientes præceptis tuis, ut invenirentur illæsi in aquis validis: * Terra apparuit arida, et in mari rubro via sine impedimento. *V.* Quoniam percussit petram, et fluxerunt aquæ, et torrentes inundaverunt. * Terra

Lectio VI.

Nihil eo placidius, nihil humilior erat, prudentiâ, gravitate, misericordia, animiq; perpetua tranquillitate superabat omnes. In divinarum rerum contemplatione sæpissimè pernoctabat, paulùm sedens, cum eum necessarius somnus oppressisset. Silentii præcipua cura; ubi autem loquendum esset, sermo omnis ad mundi despicientiam Christi que imitationem accommodatus. Ieiunium

ii6.

verò ita coluit, ut carne, omnique opere lactario totis annis abstineret; per Quadragelimam autem tertiâ, quintâque feriâ, et Dominicâ pane duntaxat, frigidâq; contentus coeteros dies sine ullo cibo traduceret. Vinum bibit nunquam. Cilicium perpetuò gestavit.

R. Verbera carnificum non timuerunt Sancti Dei, morientes pro Christi nomine:

* Ut hæredes fierent in domo Domini.

X. Tradiderunt corpora sua propter Deum ad supplicia. * Ut hæredes.

LECTIO VII.

Tot autem, tantisque Placidus miraculis coruscabat, ut non solum ex vicinis locis, sed ex Etruria et Africa ægroti ad eum sanitatis causâ confluerent; quamquam is ab

insigni quadam animi humilitate, miraculis,
 quæ fecerat, omnib; Sancti Benedicti nomen,
 meritâque prætendere solitus erat. Cùm
 igitur sanctitatis exemplo, et miraculorum
 magnitudine rem Christianam augetet,
 quinto anno, postquam in Siciliam venit, su-
 bitâ Saracenorum irruptione cum Eutychio
 et Victorino fratribus, Flaviâque Sorore
 Virgine (qui fortè per eos dies ad Fratrem
 visendum Româ usquè contenderant) nec
 non Donato, Fausto, Firmatôque Diacono,
 Monachisq; triginta, noctu psallens in Ec-
 clesia opprimitur. Ex quibus Donatus ca-
 pite illicò cæsus est: reliqui ante Manucham
 Archipyratam ducti, cùm se idolis cultû ul-
 lum adhibere constanter negarent, cæsi vir-
 gis, manibus, pedib;que vineti sine ullo cibo

contruduntur in carcerem, ac insuper —
 quotidie flagellis conciduntur. Sed divi-
 nitus sustentati, post multos dies rurſus ad
 Tyrannum adducuntur, atque in eadem fi-
 de constantes iterum, ac ſæpius affecti ver-
 beribus, nudi, capite demifſo ſuspenduntur,
 ingentique fumo os eorum obruitur. Qui
 cùm omnium opinione mortui relictī fuiſ-
 ſent, poſtridie vivi ſanatis mirabiliter vul-
 neribus reperti ſunt.

℞. Tanquam aurum in fornace probavit
 electos Dominus, et quaſi holocauſti hoſtiã
 accepit illos: et in tempore erit reſpectus
 illorum: * Quoniam donum et pax eſt e-
 lectis Dei. ℞. Qui confidunt in illum, in-
 telligent veritatem: et fideles in dilec-
 tione acquieſcent illi. * Quoniam.

Lectio VIII.

Deinde Flaviam Virginem separatim Tyrannus aggressus, cum nihil aut terrendo, aut pollicendo proficeret, iubet illam nudam pedibus alta^{=ex}-trabe suspendi; cui cum Tyrannus insultans nuditatis turpitudinem exprobraret: Unus est, inquit Virgo, maris fœminæque Auctor, Conditorque Deus: quare neque sexus, neque nuditas hæc fraudi mihi apud Illum futura est, quippe quam pro Illius amore sustineo, Qui meam causam non nudari solum, sed cruci etiam affigi voluit. Quo responso Manucha incitatus Virginem fustibus caesam, subiectoque fumo excruciatam lenonibus constuprandam tradidit. Virgine autem Deum deprecante divinitus factum est, ut quotquot eam attingere

vellent, subito membrorum omnium dolore, -
 Stuporéque corriperentur. Postea Placidum
 Virginis Fratrem Tyrannus invádit, eique
 idolorum vanitatem arguenti, os, dentésque
 lapidibus contundi, linguámque radicitus ab-
 scindi iubet. Sed cum nihilominus ille avulsa
 linguá clarè, et expeditè loqueretur, ipso mi-
 raculo magis furens Barbarus, Placidū cum
 Sorore, ac Fratribus, immanibus anchorarū
 molarúmque ponderibus obrui resupinos im-
 perat. Cúmque ex iis etiam tormentis in-
 tegri evalissent, ad extremum ex Placidi
 familia sex et triginta in portús Mamerti-
 ni littore, capitibus abscissis Martyrii pal-
 mam cum Duce suo, et aliis etiam pluribꝫ
 retulére tertio nonas Octobris anno salu-
 tis humanæ quingentesimo trigésimo uno.

Horum omnium corpora post aliquos dies
 Gordianus Monachus ex eodem Monasterio
 fugâ elapsus, intacta cum reperisset, cum
 lacrymis sepelivit. Tyranni autem non multo
 post ultricibus maris undis absorpti cru-
 delitatis suæ poenas dederunt.

Rx. Certamen magnum habuerunt ~~in~~
 Sancti Dei: transierunt per ignem et aquam,
 et salvi facti sunt: * Et coronas acceperunt
 à Domino Deo. V. Immania enim pro Chris-
 to in suis corporibus pertulerunt tormenta.
 * Et coronas. V. Gloria. * Et coronas.

In III. Nocturno.

Antiphona: Beati qui persecutionem patiuntur
 propter iustitiam, quoniam ipsorum est reg-
 num coelorum.

Cantic: Iustorum animæ in manu Dei sunt: *

Lectio IX.

Lectio Sancti Evangelii secundum Ioannem.

In illo tempore dixit IESUS discipulis suis:
Amen amen dico vobis, nisi granum frumenti
cadens in terram mortuum fuerit, ipsum
solum manet. Et reliqua.

Homilia Sancti Augustini Episcopi.

Ipse Dominus IESUS erat granum mortificandum et multiplicandum, mortificandum infidelitate Iudæorum, multiplicandum fide populorum. Iam verò exhortans nos ^{= ad} passionis sue sectanda vestigia, qui amat, inquit, animam suam, perdet eam. Quod duobus modis potest intelligi. Qui amat, perdet; id est, si amas, perdes. Si cupis vitam tenere cum Christo, noli mortem timere pro Christo. Item alio modo,

qui amat animam suam, perdet eam: noli
amare, ne perdas: noli amare in hac vita,
ne perdas in æterna vita.

R. Propter testamentum Domini, et le-
ges paternas, sancti Dei perstiterunt in amo-
re fraternitatis: * Quia unus fuit semper
spiritus in eis, et una fides. ⁊. Ecce quàm
bonum et quàm iucundum habitare fratres
in unum. * Quia.

Lectio X.

Hoc autem, quod posterius dixi, magis vide-
tur habere Evangelicus sensus, sequitur enim:
et qui odit animam suam in hoc mundo, in vi-
tam æternam custodit eam. Ergo, quod supra
dictum est, qui amat (subintelligitur in hoc
mundo) ipse utique perdet: qui autem odit
(utique in hoc mundo) in vitam æternam ipse
custodit eam.

R̄. Hæc est vera fraternitas, quæ nunquā potuit violari certamine: qui effuso sanguine secuti sunt Dominum. * Contemnentes aulam regiam, pervenerunt ad regna coelestia. V. Ecce, quàm bonum, et quàm iucundū habitare fratres in unum. * Contemnentes.

Lectio XI.

Magna et mira sententia, quemadmodum sit hominis in animam suam amor, ut pereat: odium, ne pereat. Si malè amaveris, tunc odisti: si bene oderis, tunc amasti. Felices, qui odérunt custodiendo, ne perdant amando.

R̄. Corpora Sanctorum in pace sepulta sunt: * Et nomina eorum vivent in generationem et generationem. V. Sapientiam Sanctorum narrent populi, et laudem eorū pronuntiet omnis Ecclesia. * Et nomina.

Lectio XII.

Sed vide ne subrepat, ut te ipsum velis interimere, sic intelligendo, quòd debes odisse in hoc mundo animam tuam. Hinc enim quidam maligni atque perversi homines, et in seipsis crudeliores, et sceleratiores homicidæ, flammis se donant, aquis se præfocant, præcipitio se collidunt, et pereunt. Hoc Christus non docuit: imò etiam diabolo præcipitium suggerenti respondit; Redi retrò satanas: scriptum est enim: Non tentabis Dominum Deum tuum. Petro autem dixit, significans qua morte clarificaturus erat Deum: Cùm esses iunior, cingebas te, et ambulabas, quo volebas; cùm autem senueris, alter te cinget, et feret, quò tu non vis. Ubi satis expressit, non à seipso, sed ab alio debere occidi, qui vestigia

sequitur Christi. *R.* Iustorum animæ in
 manu Dei sunt, et non tanget illos tormentū
 mortis; visi sunt oculis insipientium mori:
 * Illi autem sunt in pace. *V.* Deus tentavit
 illos, et invenit illos dignos se. * Illi autem.
V. Gloria Patri. * Illi autem.

Sequentia Sancti Evangelii
 secundum Ioannem.

In illo tempore, dixit IESUS discipulis suis: A-
 men, Amen dico vobis, nisi granum frumenti
 cadens in terram mortuum fuerit, ipsum so-
 lum manet. Si autem mortuum fuerit, multū
 fructum affert. Qui amat animam suam, ~~non~~
 perdet eam: et qui odit animam suam in hoc
 mundo, in vitam æternam custodit eā.
 Si quis mihi ministrat, me sequatur: et
 ubi ego sum, illic et minister meus erit. Si

quis mihi ministraverit, honorificabit eum
Pater meus. Missa propria cum Credo.

Die 17. Octobris.

S. Hedwigis Vid. sem.

Oratio.

Deus, qui beatam Hedwigem à sæculi pom-
 pa ad humilem tuæ Crucis sequelam toto
 corde transire docuisti: concede, ut eius me-
 ritis, et exemplis discamus perituras mun-
 di calcare delitias; et in amplexu tuæ Cru-
 cis omnia nobis adversantia superare. Per
Dominum. Missa: Cognovi.

Die 30. Octobris.

Comemoratio SS. Martyrum,
 et aliorum Sanctorum, quorum Reliquiæ in Ecclesiis
 nostri Ordinis asservantur. Duplex.

Ad Vesperas.

Antiphonæ Omnes Sancti. de Comu: Psal: de Dominica.